

《中國地方藝文薈萃》編委會 編

中國地方藝文薈萃

學苑出版社

第一卷·第六輯 玖

華東卷·第六輯  
玖

中國地方藝文薈萃

《中國地方藝文薈萃》編委會 編

貴州師範學院內部使用



閩詩錄甲集六卷乙集四卷丙集  
二十二卷丁集一卷戊集七卷（二）

貴州师范学院内部使用

閩詩錄甲集六卷乙集四卷丙集二十三卷丁集一卷戊集七卷（二）

（清）鄭杰輯（清）陳衍補訂

據清宣統三年（一九一一）刻本影印

閩詩錄丙集卷五

侯官鄭杰原輯

侯官陳衍補訂

陳瓘

瓘字瑩中號了翁沙縣人元豐二年進士建  
中靖國初官右司諫權給事中崇寧中以黨  
籍除名編隸台州移楚州卒紹興中賜諡忠  
肅有了齋集

吳江作補

中郎亭榭據江鄉雅稱詩翁賦卒章蓴菜鱸魚好時

節秋風斜日舊煙光一杯有味功名小萬事無心歲  
月長安得便拋塵網去釣舟閑繫畫闌旁

中吳紀聞云陳文惠公留題松陵詩其未有  
秋風斜日鱸魚鄉之句屯田郎林肇為吳江  
日作亭江上因以鱸鄉名之了翁初至吳江  
簿賦詩云云筮仕之初已無戀官職之意矣

### 寄覺範長沙

補

大士游方興盡回家山風月絕纖埃杖頭多少閑田

地挑取華嚴入嶺來

茗溪漁隱叢話

### 自合浦還清湘寄虛中弟

補

行徹天涯萬里山月明方照海珠還瘴鄉來往渾閑

事聊為清湘一破顏

桂林府志

蘇文饒往昌國意頗憚之送以詩

補

已聞舟楫具那得苦留君  
雨過霜風急帆飛雪浪分  
長途方策足暇日正論文  
功業他年事風波豈足云

定海志

施

常

補

常尤溪人元豐二年進士永福縣令

三聖殿

白雲來去自閑閑鎖斷千山與萬山  
仙客已歸霄漢去虛堂流水漫潺潺

步盡千山與萬山白雲深處叩禪關  
曉猿夜鶴應相

笑笑問勞生幾度閑

三山志

唐

最補

最字夢得懷安人元豐二年進士終朝口大

夫

安適軒

卧聽潮音坐看山煙蘿靜處閉禪關都將物外紅塵  
隔占得壺中白日閑吟罷寒猿號木末定回清磬落  
雲間高僧隱几無餘事應笑勞生去又還

三山志

陳

倩補

倩字君美浦城人元豐二年朝散大夫直集

賢院度支郎中爲廣西轉運使

眞仙巖二首

神仙遺像出天然造化胚渾豈易言訪古尋幽空有意  
白頭軒冕戀君恩

鹿龍高躡九霄難共駕仙車去不還遺跡至今空有

檜不知蟬脫此山間

廣西通志

鄭至道

補

至道字保衡莆田人元豐三年登進士第歷  
知天台樂昌二縣著有琴堂論俗編錦囊四

集

劉阮洞

採藥歸來世代賒  
洞門方此掃煙霞  
碧潭清泚弄明月  
翠嶽高低飄落花  
芳草已迷當日路  
白雲空想舊人家  
白慙不是浮觴侶  
謾向山前醉帽斜

天台續集

張覲補

覲沙縣人祖若谷父奎覲元豐三年官國子  
博士王荆公甥見臨川集

題迎薰閣

解愠風來處朱甍起舊城  
條山供偃蹇鹽澤借澄泓  
龍廟疑飛出蓮宮若化成  
亂雲堆素彩遠溜集幽聲

逸驥勝前路鳴鳶激去程散眸襟抱爽翹首骨毛清  
歡席多嘉客豐郊少困氓鼓琴歌渙澤擊石樂承平  
鉅肇重華榜高吟刻萃瑛雖無丹艷搆三絕足垂名

山西  
通志

黃裳

裳字冕仲南平人元豐五年進士第一官端

明殿學士禮部尙書有演山集

王悅序云逸歌長句駿發踔厲兼衆體而有

竹窗雜錄云冕仲爲諸生時卽有大志元豐  
四年郡譙門一柱忽爲雷擊聞之口占云風  
雷昨夜破枯株借問天公有意無莫是卧龍  
蹤迹困放教頭角直亨衢次年對策第一

閩中錄云延平劍潭北有山曰演峯氣狀清  
爽怪麗冕仲宅焉人謂演峰英偉之氣鍾乎  
公之一身在韋布時已有藁四十卷自爲序  
其梗概及履崇階猶不倦著述哀成六十卷  
左朝散郎莆田王悅序名爲演山集云

### 送滿龍圖守奉化

臺省兩稱公郡國三換節海角承重寄螭頭懷遠別  
俯仰七遷迅覺夢一炊熱先生自怡怡浮世誰愜愜  
暴隸駕西洛華艫指東浙香徑催芰荷豐厨拾魚鼈  
窺影入賀湖訪古探禹穴未暇登四明方思白華潔  
親闈悵望時千岩看堆雪

### 重九遣興

佳節嘆短晷清爽愜幽抱新故遽相代意思幸長好  
百年如秋時行行越中道重九雖百回半百已云過  
雲液傾新醅籬花摘靈草但約金卮空何愁玉山倒  
且趁馬臺遊莫管龍山帽

簡元輿祠部

百花岩上仙人住岩下爲州山水聚白頭青塚南北  
人倒影沈沈獨懷古倚欄把酒與誰同况是使君爲  
獻主應喚漁舟疎葦中旋膾遊鱗落紅縷秘書座上  
最軒昂能共春雲爭態度紅衣帶月今何處幾轉春  
殘掩朱戶飛船送客空斷腸梁塵謾落聲中句虛白

亭前湖水間忽爲霓裳起思慕出門沙土亂如雨薰  
風吹夢天南去

簡无咎學士

北溘車馬來何暮芹苴池邊失歡聚有分共爲文字  
遊卻向西郊話今古世俗聰明多澆漓信厚期君中  
有主職事無塵靜相對滿榻詩書香數縷嚴扃如在  
柳陰中綠幄朱簾西風度紫犀銜破雪花濃石鼎煎  
聲遶窗戶準擬七椀邀盧仝清滌煩襟出新句共笑  
先生最貧苦誤使簾前客相慕虛名薄利能幾多裹  
飯區區來復去

社日游雲門山

不須扶我自登山脚力能勝十八盤一字雁低頭上  
過兩城人細掌中看雖知北戶緣猶在卻笑南柯夢  
未闌忽見歸雲應是信滿襟先得洞天寒

秋日有感

補

秋來猶寄一涯天葉葉秋聲似去年可恨蕭晨長在  
客不堪孤館更聞蟬

以上演  
山集

吳

與

補

與字可權漳浦人元豐五年進士累遷奉議

郎通判潮州

白雲亭

在餘干縣白雲城上唐李德裕建

高城頓崇岡上與白雲遇昔賢此登臨懷古得佳句  
結亭自何人歲月更已屢古篆僅存名顏簷颯將仆  
我來訪遺蹤環賞愜幽趣鳩工扶墊陞選木換隙蠹  
津梁五道人悉力願相赴經營未終月突兀見翬翥  
英英蒼梧雲朝莫此屯聚時從南山來倏向高巖去  
去來本無心虛亭日新故因之望故鄉更識親闈處  
南山互牽情凭闌目空注

饒州府志

翁

績補

績福清人元豐五年進士政和末上書言遼